



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶԻ ԴԻԼԻՋԱՆԻ ՔԱՂԱՔԱՅԻՆ  
ՀԱՄԱՅՆՔԻ ՂԵԿԱՎԱՐ**

Հայաստանի Հանրապետության Տավուշի մարզի Դիլիջանի քաղաքային համայնք  
ՀՀ, Տավուշի մարզ, ք.Դիլիջան, Մյասնիկյան 55 (+374 268) 2-25-85  
dilijan1@yahoo.com

**Ո Ր Ո Շ ՈՒ Մ**

04 սեպտեմբերի 2012թվականի N 384-Ա

**ԴԻԼԻՋԱՆԻ ՀԱՄԱՅՆՔԻ ՂԵԿԱՎԱՐԻ 2012Թ. ՕԳՈՍՏՈՍԻ 3-Ի ԹԻՎ 301-Ա ՈՐՈՇՄԱՆ ՄԵՋ  
ԼՐԱՑՈՒՄ ԿԱՏԱՐԵԼՈՒ ՄԱՍԻՆ**

Ի լրումն Դիլիջանի համայնքի ղեկավարի 2012թ. օգոստոսի 3-ի «Դիլիջանի Կալինինի փողոցի 1-ին նրբ. թիվ 36 հասցեի բնակելի տան սպասարկման հողամասի փաստաթղթային հիմքերը վերականգնելու մասին» թիվ 301-Ա որոշման և ղեկավարվելով «Իրավական ակտերի մասին» Հայաստանի Հանրապետության օրենքի 70 հոդվածի 5-րդ մասի պահանջներով՝

**ՈՐՈՇՈՒՄ ԵՄ.**

Դիլիջանի համայնքի ղեկավարի 2012թ. օգոստոսի 3-ի «Դիլիջանի Կալինինի փողոցի 1-ին նրբ. թիվ 36 հասցեի բնակելի տան սպասարկման հողամասի փաստաթղթային հիմքերը վերականգնելու մասին» թիվ 301-Ա որոշման մեջ լրացնել. «Կալինինի փողոցի 1-ին նրբ. թիվ 36 հասցեի տնամերձ հողամասում առկա բնակելի տան ինքնակամ կցակառույցները և օժանդակ շինության շինարարական աշխատանքներն իրականացվել են մինչև 2001թ. մայիս ամիսը, առանց քաղաքաշինական նորմերի էական խախտումների, վերջինս համարել օրինական Հայաստանի Հանրապետության կառավարության 18 մայիսի 2006թ. մայիսի 18-ի թիվ 912-Ն որոշման 22.1 կետի համաձայն» :

ՀԱՄԱՅՆՔԻ ՂԵԿԱՎԱՐԻ Ժ/Պ՝

ԱՐՄԵՆ ՄԱԿԱՐՅԱՆ

2012 թ. սեպտեմբերի 04  
ք.Դիլիջան



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՂՇԻ ՄԱՐԶԻ ԴԻԼԻՋԱՆԻ ՔԱՂԱՔԱՅԻՆ  
ՀԱՄԱՅՆՔԻ ՂԵԿԱՎԱՐ**

Հայաստանի Հանրապետության Տավուշի մարզի Դիլիջանի քաղաքային համայնք  
ՀՀ, Տավուշի մարզ, ք. Դիլիջան, Մյասնիկյան 55 (+374 268) 2-25-85  
dilijan1@yahoo.com

**Ո Ր Ո Շ ՈՒ Մ**

04 սեպտեմբերի 2012թվականի N 385-Ա

**ԴԻԼԻՋԱՆԻ ԳԵՏԱՓՆՅԱ ՓՈՂՈՑԻ ԹԻՎ 12/15 ՀԱՍՑԵԻ ԱՎՏՈՏՆԱԿԻ ԶԲԱՂԵՑՐԱՍԾ  
ՀՈՂԱՄԱՍԻ ՀՈՂՀԱՏԿԱՑՄԱՆ ՓԱՍՏԱԹՂԹԱՅԻՆ ՀԻՄՔԵՐԸ ՎԵՐԱԿԱՆԳՆԵԼՈՒ ԵՎ  
ՎԵՐՁԻՆԻՍ ՕՏԱՐՄԱՆ ՄԱՍԻՆ**

Համաձայն ըստ կտակի ժառանգության իրավունքի վկայագրի, գրանցված Դիլիջանի նոտարական գրասենյակի 20.08.2012թ. թիվ 1424 սեղանամատյանում, Դիլիջան քաղաքի Գետափնյա փողոցում գտնվող ավտոտնակի ժառանգ է հանդիսանում քաղ. Կորյուն Խորենի Վարդանյանը: Դիլիջանի քաղաքապետին է դիմել քաղ. Կորյուն Վարդանյանը՝ Դիլիջանի Գետափնյա փողոցում գտնվող, իր սեփականությունը հանդիսացող ավտոտնակի սպասարկման հողամասի հողհատկացման հիմքերի վերականգնման և նույն հողամասը իրեն օտարելու խնդրանքով:

Դիլիջանի քաղաքապետարանի քաղաքաշինության և հողօգտագործման հարցերի հանձնաժողովը նշում է, որ կատարված տեղազննման և քարտեզագրման արդյունքում կազմված սխեմայի համաձայն, նշված ավտոտնակի սպասարկման հողամասի փաստացի չափը կազմել է 26.7քմ /կցվում է հողամասի գլխավոր հատակագիծը/: Նշված հողամասը չի համարվում Հայաստանի Հանրապետության Հողային օրենսգրքի 60 հոդվածով առաջադրված հողամաս, չի գտնվում ինժեներա-տրանսպորտային օբյեկտների օտարման կամ անվտանգության գոտիներում, գտնվում է «Բնակավայրերի հողերի» տարածազննահատման իններորդ գոտում: Նշված հողամասի օտարումը չի սահմանափակում այլ անձանց իրավունքները:

Հանձնաժողովը առաջարկություն է ներկայացրել համայնքի ղեկավարին վերականգնել վերոհիշյալ ավտոտնակի սպասարկման հողամասի հողհատկացման փաստաթղթային հիմքերը և նույն հողամասն ուղղակի վաճառքի ձևով օտարել քաղ. Կորյուն Վարդանյանին:

Ելնելով վերոգրյալից և հիմք ընդունելով Հայաստանի Հանրապետության կառավարության 2005թ. դեկտեմբերի 29-ի թիվ 2387-Ն որոշման, Հայաստանի Հանրապետության Քաղաքացիական օրենսգրքի 209 հոդվածի, ինչպես նաև Հայաստանի Հանրապետության Հողային օրենսգրքի 64 հոդվածի 16 կետի, 66 և 87 հոդվածների պահանջները և ղեկավարվելով «Տեղական ինքնակառավարման մասին» Հայաստանի Հանրապետության օրենքի 32 հոդվածի պահանջներով՝

**ՈՐՈՇՈՒՄ ԵՄ.**

1. Քաղ. Կորյուն Վարդանյանին պատկանող ավտոտնակին տրամադրել նոր հասցե՝ Գետափնյա փողոց թիվ 12/15 :

2. Վերականգնել Դիլիջանի Գետափնյա փողոցի թիվ 12/15 հասցեի ավտոտնակի 26.7քմ սպասարկման հողամասի հողահատկացման փաստաթղթային հիմքերը և նույն հողամասն ուղղակի վաճառքի ձևով օտարել քաղ. Կորյուն Վարդանյանին: Օտարվող հողամասի արժեքը կազմում է 51104 դրամ:

3. Քաղաքացու հետ կնքել հողամասի առուվաճառքի պայմանագիր, որը ենթակա է նոտարական վավերացման, իսկ պայմանագրից բխող իրավունքները՝ պետական գրանցման:

4. Պարտավորեցնել քաղ. Կորյուն Վարդանյանին.

1) Դիլիջանի քաղաքապետարանի 900405051104 հաշվարկային հաշվին մուծել հողի արժեքը՝ 51104 դրամ, վերջինիս մուծման անդորրագիրը սույն որոշման անբաժանելի մասն է:

2) Դիմել Հայաստանի Հանրապետության կառավարությանն առընթեր անշարժ գույքի կադաստր պետական կոմիտեի Դիլիջանի ստորաբաժանում՝ նշված հողամասի նկատմամբ սեփականության իրավունքը պետականորեն գրանցելու նպատակով:

3) «Տեղական տուրքերի և վճարների մասին» Հայաստանի Հանրապետության օրենքի և համայնքի ավագանու 2011թ. հոկտեմբերի 28-ի թիվ 208-Ն որոշման համաձայն կատարել համապատասխան վճարումները:

ՀԱՄԱՅՆՔԻ ՂԵՎԱՎԱՐԻ Ժ/Պ՝



ԱՐՄԵՆ ՄԱՎԱՐՅԱՆ

2012 թ. սեպտեմբերի 04  
ք.Դիլիջան